



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

9. De Episcopo quodam Arriano, qui cum Ecclesiam peteret quam suo errori dedicaret, negatamq[ue] illam sibi irrumpere vellet, cœcitate percussus est.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

cerdotem haud secus atque parentem colens.
D. Gregorius Magnus libr. 3. Dialogor. cap.
29. De Episcopo quodam Arriano qui
cum Ecclesiam peteret, quam suo errori
dedicaret, negatamq; illam sibi irrumpere
vellet, cæcitate percussus est.

CAP. IX.

CIVM ad Spolethanam urbem Longobar-
 dorum Episcopus, scilicet Arrianus ve-
 nisset, & locum illic ubi solennia sua a-
 geret non haberet, coepit ab eius ciuitatis epi-
 scopo Ecclesiam petere, quam suo errori de-
 dicaret. Quod cum valde Episcopus negaret,
 idem qui venerat Arrianus beati Pauli Aposto-
 li Ecclesiam illic cominus sitam se die altero
 violenter intraturum esse professus est. Quod
 eiusdem Ecclesie custos audiens festinus cu-
 currit, Ecclesiam clausit, seris muniuit. Facto
 autem vespere, lampades omnes extinxit, seq;
 in interioribus abscondit. In ipso autem sub-
 sequentis lucis crepusculo Arrianus Episco-
 pus collecta multitudine aduenit, clausas Ec-
 clesie ianuas effringere paratus. Sed repente
 cunctæ simul portæ diuinitus concussæ abie-
 ctis longius seris apertæ sunt, atque cum mag-
 no sonitu omnia Ecclesie claustra patuerunt.
 Effuso desuper lumine omnes quæ extinctæ fu-
 erant lampades accensæ sunt. Arrianus verò E-
 piscopus qui vim facturus aduenerat, subita
 cæcitate percussus est, atque alienis iam ma-
 nibus ad suum habitaculum reductus. Quod
 dum

dum Longobardi in eadem regione positi omnes agnoscerent, nequaquam ulterius presumperunt catholica loca temerare. Miro enim modo res gesta est, ut quia eiusdem Ariani causa lampades in Ecclesia beati Pauli fuerant extinctae, vno eodemque tempore & ipse lumen perderet, & in Ecclesiam lumen rediret.

Nicephorus Callistus lib. 15. cap. 4. & 5. Eccles. historia. De iudicio fidei Christianae à Catholicis simul et hereticis ad arbitrium martyris Euphemia defunctae relato, quae per illustre miraculum, haeretica prauitate reiecta, orthodoxorum sententiam approbat.

C A P. X.

*Haeticorum
contentio &
pertinacia in
expugnabili*

IN sacro S. martyris Euphemiae delubro, cui Synodus apud Chalcedonem contra Dioscorum & Eutycheten congregata esset, magnaque de duabus in Christo naturis disputatio excitata esset, (inexpugnabilis namque & contentiois maximè studiosa improbitas est) Spiritui sancto, & egregijs illis, qui conue- rant viris placuit, ut decretum fidei in libello describeretur, & controuersiae iudicium atque decisio laudatissimae martyri & virgini Euphemiae committeretur. A maioribus illa suis, cuius & alumna urbis Calcedonenfis fuit. Sub impio autem Diocletiano, pro detestandi cuiusdam praesidis tribunali consistens, Christum Deum esse, & Dei filium clara voce predicauit. Quapropter plurimis primum cruciatibus excarnificata, & bestiis tandem obic-